



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 410
fax. +387 33 726 423
e – mail: info@voda.ba

Broj: **UP-1/21-1-40-258-7/25**
Datum: **23.09.2025. godine**

«Agencija za vodno područje rijeke Save» Sarajevo rješavajući po zahtjevu investitora Biberkić Halila iz Gornje Međiđe, Gradačac za izdavanje prethodne vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada klaonice pilića sa pratećim sadržajima, koja se planira graditi u Gornjoj Međiđi, na osnovu člana 139. tačka 3. i 109. stav 2. tačka 1. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o prethodnoj vodnoj saglasnosti**

1. Investitoru Biberkić Halil iz Gornje Međiđe, Gradačac daje se prethodna vodna saglasnost za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada klaonice pilića sa pratećim sadržajima, kapaciteta 1000 pilića dnevno, koja se planira graditi u Gornjoj Međiđi, Gradačac, na zemljištu označenom kao k.č. broj: 1093/2 KO Gornja Međiđa u postupku pribavljanja urbanističke saglasnosti za izgradnju objekta.
2. Prethodna vodna saglasnost može se koristiti isključivo za potrebe izdavanja okolinske dozvole, urbanističke saglasnosti ukoliko nije potrebna okolinska dozvola i u postupku izdavanja koncesije na vodama i vodnom dobru ukoliko je isto predviđeno zakonom o koncesijama.
3. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 3.1. Izraditi investiciono tehničku dokumentaciju potrebnu za pribavljanje vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada klaonice pilića sa pratećim sadržajima koja se planira graditi u Gornjoj Međiđi, kapaciteta 1000 pilića dnevno. Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH», broj: 31/15, 55/19 i 41/20) koja su bitna za konkretan slučaj, a naročito:
 - Na osnovu proračuna količina vode, potrebnih za nesmetan rad predmetnog objekta (potrebne količine sanitarne vode, potrebne količine vode u postupku klanja te za pranje opreme i prostora), obraditi tehničko rješenje zahvatanja vode, monitoringa količina zahvaćene vode i dovođenja vode do objekta, sa svim potrebnim grafičkim priložima i tehničkim opisom.
 - Na osnovu kapaciteta, proračunati količinu otpadnih voda od klanja, pranja prostora i opreme te obraditi tehničko rješenje za tretman istih sa svim potrebnim proračunima, grafičkim priložima i tehničkim opisom.
 - Projektom dokumentacijom predvidjeti okno iza uređaja za tretman tehnoloških otpadnih voda i prije miješanja sa bilo kojim vodama na lokaciji, u kome će se vršiti monitoring prečišćenih voda, a prije ispuštanja prečišćenih otpadnih voda u definisani recipijent,
 - Tehničko rješenje za monitoring i način monitoringa prečišćenih otpadnih voda.
 - Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo.
 - Ukoliko se kao tehničko rješenje za tehnološke otpadne vode odabere način bez ispuštanja otpadne vode u projektnoj dokumentaciji dati proračun, grafičke priloge i opis vodonepropusne komore, bez

preliva, za zbrinjavanje tehnoloških otpadnih voda iz objekta klaonice pilića sa definisanim vremenom pražnjenja iste od strane javnog komunalnog preduzeća ili drugog ovlaštenog pravnog lica.

- U projektnoj dokumentaciji obraditi postupak odvajanja krvi prilikom iskrvavljenja, sistemom odvojenog prikupljanja u posebne posude od inoxa.
 - Na preglednoj situaciji prikazati cjelokupan lokalitet sa planiranim objektima (proizvodni objekat, manipulativni i parking prostor, uređaj za tretman tehnoloških otpadnih voda i dr); liniju utvrđenog vodnog dobra, priobalni pojas, te definisati udaljenost planiranih objekata od istih ;
 - Projektnom dokumentacijom predvidjeti način i mjesto privremenog i konačnog zbrinjavanja otpada od uginulih pilića i drugih nusproizvoda, u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - Projektnom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
- 3.2. Usvojenim sistemom prečišćavanja tehnoloških otpadnih voda mora se obezbjediti kvalitet efluenta u skladu sa propisanim graničnim vrijednostima emisije u prečišćenoj vodi, propisane u članu 15. Prilog 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.3. Predmetni objekat ne smije biti u koliziji sa površinskim vodama (unutar granica vodnog doba i plavnom području), niti da se nalazi u priobalnom pojasu i zaštitnim zonama izvorišta vode za piće.
- 3.4. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke.
- 3.5. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Zahtjev za izdavanje vodne saglasnosti dostavlja se u skladu sa članovima 8. i 19.stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se između ostalog prilaže:

- 4.1. Revidovana Investiciono-tehnička dokumentacija urađena u skladu sa uslovima iz tačke 3. dispozitiva ovog Rješenja.
 - 4.2. Rješenje o urbanističkoj saglasnosti za izgradnju objekta klaonice sa pratećim sadržajima i okolinska dozvola.
 - 4.3. Dokaz o izvršenoj uplati administrativne takse.
 - 4.4. Rješenje o prethodnoj vodnoj saglasnosti za zahvatanje vode i ispuštanje sanitarno fekalnih otpadnih voda, izdato od strane nadležnog organa.
5. Ova prethodna vodna saglasnost prestaje važiti nakon isteka 3 (tri) godine od dana njene pravosnažnosti ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u skladu sa članom 130. Zakona o vodama.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

O b r a z l o ž e n j e

Investir Biberkić Halil iz Gornje Međide, Gradačac zahtjevom bez broja od 03.06.2025 godine, obratio se ovoj Agenciji za izdavanje prethodne vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg

kvaliteta u postupku izgradnje i rada klaonice pilića sa pratećim sadržajima, kapaciteta 1000 pilića dnevno, koja se planira graditi u Gornjoj Međidi, Gradačac, na zemljištu označenom kao k.č. broj: 1093/2 KO Gornja Međida u postupku pribavljanja urbanističke saglasnosti za izgradnju objekta.

U provedenom postupku dostavljena je i pregledana sljedeća dokumentacija:

A. Opšta dokumentacija

- Uplatnica za upravnu taksu u iznosu od 80.00 KM,
- Ovjerena kopija lične karte Biberkić Halila,
- Zemljišno-knjižni izvadak ZK uložak 1733 broj: 028-0-NAR-25-002401 od 02.06.2025 godine Općinski sud u Gradačcu,
- Kopija katastarskog plana broj: 09-26-3114/2025-2 od 02.06.2025 godine izdata od strane Službe za imovinsko-pravne, geodetske poslove i katastar nekretnina, Grad Gradačac,
- Mišljenje broj: 06/2-19-1072/25 od 02.04.2025 godine izdato od strane Gradske službe za komunalne poslove i prostorno uređenje, Grad Gradačac,
- Rješenje o vodnoj dozvoli broj: 04/1-13-21-4902/25 od 15.04.2025 godine izdato od strane Ministarstva poljoprivrede, vodoprivrede i šumarstva Tuzlanskog kantona
- Uvjerenje broj: 06/1-19-703/25 od 25.02.2025 godine izdato od strane Gradske službe za urbanizam, investicije i komunalne poslove, Grad Gradačac-prilog u studiji.

B. Tehnička dokumentacija

- Studija za prethodnu vodnu saglasnost za nadogradnju postojećeg poslovnog objekta –klaonica peradi investitora Biberkić Halila iz Gornje Međide, Grad Gradačac, urađena od strane „TALWEG“ d.o.o. Tuzla, april 2025 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 12.09.2025. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje” objavljenom dana 13/14.09.2025. godine. U datom roku nije bilo pisanih izjašnjenja o planiranim aktivnostima iz zahtjeva. Na osnovu objave, oglašavanja u dnevnom listu „Oslobođenje” investitor je na osnovu Zaključka o visini i roku za plaćanje posebnih troškova broj: UP-1/21-1-40-306-4/25 od 16.09.2025. godine uplatio iznos po računu broj: 25-3600-000118 dostavljen od O Media d.o.o., za troškove obavještanja javnosti putem oglasa.

Na osnovu uvida u dostavljenu dokumentaciju i Studiju utvrđeno je sljedeće:

Lokacija planiranih objekata klaonice pilića sa pratećim sadržajima nalazi se u Gornjoj Međidi, na zemljištu označenom kao k.č. broj: 1093/2 KO Gornja Međida, Grad Gradačac. Kapacitet klaonice je 1000 pilića dnevno.

Na lokaciji je planirana dogradnja prizemlja poslovnog objekta-klaonice pilića (površine 268,16m²) na postojeći izgrađen objekat (površine 167m²) koji je već u funkciji. Dogradnja objekta predstavlja funkcionalno i prostorno proširenje te se istim ne mijenja funkcija i kapacitet. Tehnološki proces klanja pilića se odvija unutar zajedničkog radnog prostora.

Tehnološke otpadne vode proizvodnog objekta-klaonica pilića nastaju u procesu klanja te u procesu obrade mesa, spiranjem površina unutar objekta i pranjem opreme koja se koristi u navedenim postupcima. Ove vode će se prikupljati putem rešetki unutar objekta a potom cijevima odvoditi, zasebnim sistemom, do vodonepropusne armiranobetonske komore bez preliva kapaciteta 23,90 m³, kako je navedeno u Odgovoru za dopunu podneska broj 68-E/25 od 09.07.2025 godine od strane „TALWEG“ d.o.o. Tuzla. Zbrinjavanje ovih voda će se vršiti od strane ovlaštenog preduzeća.

Osnovni podaci za izgradnju objekata i sama aktivnost u njima definisana je u Studiji za pribavljanje prethodne vodne saglasnosti za izgradnju poslovnog objekta - klaonica peradi investitora Biberkić Halila iz Gornje Međide, Grad Gradačac, urađena od strane „TALWEG“ d.o.o. Tuzla, april 2025 godine.

Snabdijevanje vodom za potrebe predmetnih objekata je obezbijeđeno iz vodovodnog sistema „Vodovod Lazine” d.o.o. Donja Međida –Gradačac a za isto podnosilac zahtjeva je pribavio vodni akt.

U aktu Uvjerenje broj: 06/1-19-703/25 od 25.02.2025 godine izdato od strane Gradske službe za urbanizam, investicije i komunalne poslove, Grad Gradačac je navedeno da lokacija predmetnog poslovnog objekta nije u zoni sanitarne zaštite izvorišta vodosnabdijevanja niti u blizini drugih vodnih objekata.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, odredbama Pravilnika o sadržaju, obliku, uslovima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije, doneseno je rješenje kao u dispozitivu i propisani uslovi koje je Investitor dužan ispuniti prilikom izrade projektne dokumentacije, a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13) te troškove oglašavanja u iznosu 170,24 KM u printanom mediju na nivou FBiH.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- Biberkić Halil, Gornja Međida br.1, Grad Gradačac
- ⊖ AVP Sava, ISV-vodna knjiga,
- Sektor 40 – arhiva
- Oglasna tabla AVP Sava Sarajevo